

劉涓子鬼遺方
秘製大黃清寧丸方



20174

劉涓子
遺方

龔慶宣
撰

中
華
書
局

劉涓子鬼遺方

此據讀畫齋叢書
本排印初編各叢
書僅有此本

劉涓子鬼遺方卷第一 并序

南北朝 龔慶宣撰

昔劉涓子晉末於丹陽郊外照射忽見一物高二丈許射而中之如雷電聲若風雨其夜不敢前追詰旦率門徒子弟數人尋蹤至山下見一小兒提罐問何往爲我主被劉涓子所射取水洗瘡而問小兒曰主人是誰人云黃父鬼仍將小兒相隨還來至門聞搗藥之聲比及遙見三人一人開書一人搗藥一人臥爾乃齊唱叫突三人並走遺一卷癰疽方并藥一曰時從宋武北征有被瘡者以藥塗之卽愈論者云聖人所作天必助之以此天授武王也於是用方爲治千無一失姊適余從叔祖涓子寄姊書具敘此事并方一卷方是丹陽白薄紙本寫今手跡尙存從家世能爲治方秘而不傳其孫道慶與余鄰居情款異常臨終見語家有神方兒子幼稚苟非其人道不虛行尋卷診候兼辨藥性欲以相傳屬余旣好方術受而不辭自得此方於今五載所治皆愈可謂天下神驗劉氏昔寄襲方故草寫多無次第今輒定其前後族類相從爲此一部流布鄉曲有識之士幸以自防齊永元元年太歲己卯五月五日撰道慶曰王祖母劉氏有此鬼方一部道慶祖考相承謹按處治萬無一失舅祖涓子兄弟自寫寫稱云無紙而用丹陽錄永和十九年資財不薄豈復無紙是以此別之耳

案永和祇十二年且去宋武甚遠疑元嘉之訛

通。壅遏不得行。火不止。熱勝。熱勝則肉腐爲膿。然不能陷膚。於骨髓不爲焦枯。五藏不爲傷。故曰癰。黃父曰。何爲疽。岐伯曰。熱氣浮盛。當其筋骨。良肉無餘。故曰疽。疽上皮膚以堅。上如牛領之皮。癰者薄以澤。背其候也。黃父曰。及如所說。未知癰疽之性名。發起處所。診候形狀。治與不治。死活之期。願一一聞之。岐伯曰。癰疽圖曰。

赤疽發額。不寫十餘日死。其五日可刺也。其膿亦多血死。未有膿可治。人年 二十五 三十一 六十。九十五者在額。不可見血。見血者死。

禽疽發如軫者數十數。其四日腫合。牽核痛。其狀若擘。十日可刺。其肉發身核寒。齒如噤。欲瘞。如是者十。五日死。

杼疽發頂。若兩耳下不寫。十六日死。六日可刺。其色黑。見膿而癰者死。不可治。人年 十九 二十三。三十五 三十九 五十一 五十五 六十一 八十七 九十九。百神在耳下。不可見血。見血者死。

丁疽發兩肩比起有所逐。惡結血流。內外榮衛不通。發爲丁疽。三日。身腫痛甚。口噤如瘞狀。十一日可刺。不治二十日死。

蜂疽發脾背。起心膺。若連肩骨。二十日。不治死。八日可刺。其色赤黑。膿見青者。死。不可治。人年 一十八。

二十四、三十五、六十七、七十二、九十八者。百神在肩。不可見血。見血者死。

陰疽發背。若陰股。始發腰強。內不能自止。數飲不能多。五日堅痛。不治。三歲而死。

刺疽發起肺膈。不寫。二十日死。其八日可刺。發而赤。其肉如椒子者。死不可治。人年十九、二十五、

二十九、三十九、五十七、六十、七十三、八十一、九十七。百神在背。不可見血。見血者死。

脈疽發頸項。如痛身隨而熱。不欲動。悄悄。或不能食。此有所大畏恐駭。而不精。上氣噉。其發引耳不可以腫。二十日可刺。不刺八十日死。

龍疽發背。起胃俞。若腎俞。二十日不寫死。九日可刺。不刺。其上赤下黑。若青膿黑死。發血膿者不死。

首疽發熱八十日。一方云八九日。大熱汗。頭引血盡。如噉。身熱同。同如沸者。皮頗腫。淺刺之。不刺。二十日死。

榮疽發脅。起若兩肘頭。二十五日不寫死。九日可刺。膿多赤白。而可治也。人年一歲、十六、二十六、

三十二、四十八、五十八、六十四、八十、九十六。百神在脅。不可見血。見血即死。

行疽。發如腫。或後合相從。往來。不可要其所在。刺之。即愈。

勇疽發股。起太陰。若伏鼠。二十五日不寫死。其十日可刺。勇疽發膿青黑者死。白者尙可治。不可治。人年

十一、十五、二十、三十一、三十三、四十六、五十九、六十三、七十五、九十一、百神皆在尻尾不可見血見血者死。

標叔疽發背熱同耳聾後六十日腫如聚水其狀若如此者可刺之但出水後及有血出即除愈也不

可治人年五十七六十五七十三八十一九十七者百神在背不可見血見血者死。

癰疽發足趺若足下三十日不寫死其十二日可刺癰疽者白膿不太多其瘡上痒赤黑者死不可治人

年十三二十九三十五六十一七十三九十三百神在足不可見血見血者死。

衝疽發小腸痛而振寒熱四日五日悄悄六日而變刺之五十日死。

敦疽發兩指頭若五指頭七八日不寫死其四日可刺其發而黑擁者不堪未過指節可治。

一方不呼爲敦疽恐是刺寫明

堂引爲

敗疽

疥疽發腋下若兩臂兩掌中振寒熱而噓乾者飲多即嘔心煩悄悄六十日而漸合者如此可有汗如無

汗者死。一方云床疽明堂亦引爲床癰

筋疽皆發脊兩邊大筋其色蒼八日可刺若有膿在肌腹中十日死。

陳乾疽發兩臂三四日痛不可動五十日身熱而赤六十日可刺如刺無血三四日病愈。

搔疽發手足五指頭起節其色不變十日之內可刺過時不刺後爲蝕有癰在脈腋三歲死。

叔疽發身腫牽核而身熱不可以行不可以屈伸成膿刺之以除。

白疽發脾若肘後痒自痛傷乃身熱多汗五六處有者死心主癰疽在股脛六日死發膿血六十日死。

黑疽發腫居背大骨上八日可刺過時不刺爲骨疽。

骨疽膿出不可止壯熱碎骨六十日死脇少陽有癰腫在頸八日死發膿血者十日死。

倉疽發身痒後痛此故傷寒氣入藏篤發爲倉疽九日可刺之不刺九十日死矣。

腰太陽脈有腫交脈屬於陽明在頸十日死發腫七十日死。

尻太陽脈有膿腫癰在足心少陽八日死發膿血六十日死或八十日死。

頭陽明脈有腫癰在尻六日死發膿血六十日死。

股太陰有腫癰在足太陽十七日死發膿血百日死。

肩太陽脈有腫癰在頸八日死發膿血百日死。

足少陽脈有腫癰在脇八日死發膿血六百日死。

手陽明脈有腫癰在腋淵一歲死發膿三歲死。

黑疽發腋淵死。

黑疽發耳中如米大。此疽不治死。

黑疽發肩死。黑疽發缺盆中。名曰伏疽。不治死。

赤疽發於脾。半夜可治。出歲死。

黑疽發肘上下。不死。可治。

脾解除指本黑頭赤死。

黑疽發掌中。不死。可治。

赤疽發陰股。軟可治。堅死。

赤疽發肥腸死。

黑疽發臑臄。軟可治。堅不可治。

赤疽發掌中。不可治。

黑疽發趺上。堅死。

足下久腫。癰色赤死。

癰高而光者。不大熱。用薄雍。其肉平平無異而紫色者。不須治。但以黃耆并淡竹葉湯申其氣耳。癰平而痛。用八物黃耆薄。大癰七日。小癰五日。其自有堅強色診。寧生破。發背及發乳。若熱。手近不得者。令人之

熱熟。先服王不留行散。外散外摩發背大黃膏。若背生破無善在乳者。熟之候。手按之。若隨手起。便是熟。針法要膿着。以意消息之。背不可過一寸。針良久不得膿。卽以食肉膏散差。灸頭肉。癰口中人體熱氣歇。服木瓜散。五日後癰欲差者。排膿內寒散。

凡破癰之後。病人便連綿欲死。內寒熱。腫自有似癰而非者。當以手按腫上。無所連。是風毒耳。勿針。可服昇麻湯。外摩膏破癰口。當合流下三分。近一分針。唯令極熱。便不痛。破癰後敗壞不差者。作豬蹄湯洗之。日再下湯。二日故可用。疼六七日。湯半劑。亦可用。胸中斷氣。斷氣者當入關中。以手按左眼視右眼。見光者胸中結癰。若不見光者。燼疽內發。針傷脈。血不出。住實不寫。留成癰。腎脈來者大。漸小陰結。若肌肉瘰癧。癰爲發。寸口如此來大。如未漸小矣。

有黑色者。是石留黃毒。有赤色者。是丹砂毒。有青色者。是硃砂毒。有似鹽顆者。是鍾乳毒。有黃色者。是杏桃人毒。有白水者。是附子乾薑毒。有膿者。熱肉麪等毒。硃砂發。白雄鴨頂上血一合。已來。取黑鉛湯一茶碗。調服之。解。鍾乳發。雄雞肘上血一合。將鐵粉湯一茶碗。調服之。解。附子發。取附子皮三半。鼓半升。相和。以水一升煎。約一茶碗。服之。解。丹砂發。取黑鉛黃者。防風。伏龍肝。各半兩。水一升。煎半茶碗。去滓。服之。解。

劉涓子鬼遺方卷第二

治金瘡止血散方

治金瘡血肉瘦蝙蝠散方

治金瘡肉瘦蒲黃散方

治金瘡箭肉中不出白蠟散方

治金瘡中腸出小麥散方

治金瘡腸出欲入礞石散方

治金瘡煩悶止煩白芷散方

治金瘡先有散石消石散方

治金瘡痛不可忍當歸散方

治金瘡弓弩所中悶絕琥珀散方

治金瘡弓弩所中筋急弩筋散方

治金瘡內傷蛇銜散方

治金瘡中筋骨續斷散方

治金瘡煩疼麻黃散方

治金瘡煩滿白薇散方

治金瘡去血當歸散方

治金瘡去血多虛菴蓉散方

治金瘡內寒澤蘭散方

治金瘡內寒黃耆散方

治金瘡中肉藥藍子散方

治金瘡大渴饗麥散方

治被打腹中瘀血蒲黃散方

治癰疽金瘡止痛生肉膏方

治癰疽金瘡生肉甘菊膏方

治癰疽金瘡生肉膏方

治金瘡腹內瘀血烏雞湯方

治金瘡內有瘀血未及得下烏雞湯方

治金瘡有瘀血桃核湯方

治金瘡驚悸純心湯方

治金瘡癰疽生肉膏方

治被打有瘀血白馬蹄散方

治金瘡止血散方

烏草根

兩三

白芷

兩一

鹿茸

二分
燒灰

當歸

兩一

芎藭

兩一

乾地黄

兩一
蒸焙

續斷

兩一

右七味搗篩令調著血出處卽止

治金瘡血肉癢蝙蝠消血散方

蝙蝠三枚燒令煙盡沫下絹篩之

右以水服方寸匕一日服令盡當下如水血消也

治金瘡肉癢蒲黃散方

七月七日麻勃

兩一

蒲黃

兩二

右二物搗篩爲散。溫酒調服一錢匕。日五服。夜再兩服。

治金瘡箭肉中不出。出箭。白斂散方

白斂

兩 二

半夏

三兩。湯洗七遍。生薑浸一宿。熬過。

右二味爲末。調水服方寸匕。日三服。若輕淺瘡。十日出。深二十日出。終不停住肉中。

治金瘡中腹。腸出不能內之。小麥飲噴瘡方

取小麥五升。水九升。煮取四升。去滓。復以綿度濾之。使極冷。傍含噴之。瘡。腸自上漸漸入。以冷水噴其背。不中多人見。亦不欲令傍人語。又不可病人知。或晚未入。取病人席四角。令病人舉搖。須臾腸便自入。十日之內不可飽食。頻食而宜少。勿使病人驚。驚則煞人。

治金瘡腸出欲入。礪石散方

礪石

兩 三

滑石

兩 三

右二物下篩。埋令調。飲日方寸匕。日五服。夜再服。

治金瘡煩悶。止煩。白芷散方

白芷

兩 二

芎藭

兩 二

甘草

兩 二

右三味熬令變色搗爲散水調服方寸匕日五服夜再服

治金瘡先有散石煩悶欲死大小便不通止煩消血解散消石散方

消石

澤瀉

白斂

芍藥

寒水石

苦蕒

已上各一兩

右六味搗篩爲散水服方寸匕日夜各一服或未通稍增之

治金瘡不可忍煩疼不得住止痛當歸散方

當歸

甘草

炙

藁本

桂心

木占斯

已上各一兩

右五味合搗篩令調水服半方寸匕日三服夜一服

治金瘡弓弩所中悶絕無所識琥珀散方

琥珀隨多少搗篩以童子小便服之乃熱不過三服便差

治金瘡弓弩所中筋急屈伸不得敗弩散方

乾地黄

十分

乾棗

三枚

杜仲

二分

常歸

四分

附子

四分炮

故敗弩筋

燒灰取五分

右七味合搗篩理令勻溫酒服方寸匕日三服夜一增一至三

治金瘡內傷蛇銜散方

蛇銜

甘草 炙。

芎藭

白芷

當歸 各一兩。

續斷

黃芩

澤蘭

乾薑

桂心 各三分。

烏頭 炮五分。

右十一味。合搗篩。理令勻。酒服方寸匕。日三服。夜一服。

治金瘡中筋骨續斷散方

芎藭

一兩半。

地黃 二兩。

蛇銜 二兩。

當歸 一兩半。

菰蓉 一兩半。

乾薑 三分。炮。

續斷 三兩。

附子

三分。炮。

漢椒 三分。出汗去目。

桂心 三分。

人參 一兩。

甘草 一兩。炙。

細辛 二分。

白芷 三分。一本用芍藥一兩半。

右十四味。搗篩。理令勻。調溫酒服之。方寸匕。日三服。夜一服。

治金瘡煩疼麻黃散方

麻黃

六分。去節。

甘草 五分。炙。

乾薑 三分。

附子 三分。炮。

當歸 三分。

白芷 三分。

續斷

三分。

黃芩 三分。

芍藥 三分。

桂心 三分。

芎藭 三分。

右十一味。搗篩。理令勻。調溫酒服。方寸匕。日三服。夜一服。